



## Qeqqata Kommunia-ni Kommunalbestyrelsip suleriaasissaa

### Kommunalbestyrelsip ataatsimiittarneri

§ 1. Kommunalbestyrelsip ataatsimiinneri tamanut ammasuupput. Taamaattoq Kommunabestyrelsip akuersissutigisinnaavaa suliassat ataasiakkaat matoqqasumik oqaluuserineqarnissaat, tak. aqutsinermi inatsisip § 9.

**Imm. 2.** Suliassat kinguliiniittut matoqqasumik oqaluuserineqassapput:

- 1) Suliassat aalajangiivigineqarnissaminni inunnut tunngassuteqartunik naliliisariaqarfiusut
- 2) Suliassat illuutunik aalaakkaasunik pisinissamik tunisinissamilluunniit ilaqartut, aamma
- 3) Illuni suliassat pisiassallu pillugit missingiutit neqeroorutillu.

**Imm. 3.** Taamaattoq suliassap matoqqasumik oqaluuserineqarnissaanut tunngavissaqarnersoq pillugu apeqqut matoqqasumik oqaluuserineqassaaq tamanna Kommunalbestyrelsimi imaluunniit borgmesterimit aalajangerneqarpat, tak. aqutsinermi inatsisip § 9. Imm. 1, oqaasertaa kingulleq.

**Imm. 4.** Suliassat matoqqasumik oqaluuserineqartussat sapinngisamik kingulliullugit oqaluuserineqassapput.

**Imm. 5.** Kialluunniit Kommunalbestyrelsip ataatsimiinneri ammasut najuuffigisinnaavai eqqissimasumik torersumillu pissuseqarnissamik piunasaqaateqarneq sianigalugu. Tusarnaartup oqaluuserinninnerit akornusersorpagit borgmesterip pineqartoq imaluunniit pisariaqartinneqarpat tusarnaartut tamaasa ataatsimiinnermit qimagutsissinnaavai. Borgmesterip inniminersinnaavai immikkut inissat tusagassiorfiit sinniisuisa atugassaat.

**Imm. 6.** Kommunalbestyrelsip akuerisinnaavaa Kommunalbestyrelsip ataatsimiinnerisa ammasut TV-mut imaluunniit radio-mut immiunneqarnissaat.

§ 2. Ilaasortaq Kommunalbestyrelsip ataatsimiinnissaani ataatsimeeqataasinnaajunnaaruni tamatuminnga borgmesteri nalunaarfigissavaa ataatsimiinnissaq sapinngisamik ullunik marlunnik sioqqullugu. Ataatsimiinnerni ataasiakkaani ataatsimiinnerup imaqarniliornerani allanneqartassaaq ilaasortaq kina ataatsimeeqataasimanginnersoq.

### Oqaluuserisassat nassiussorneqarnerat suliassallu saqqumitinneqarnerat

§ 3. Kommunalbestyrelsimut apeqquteqaatit allakkatigut saqqummiunneqartassapput. Ilaasortaq ileqquusumik ataatsimiinnissaq kingusinnerpaamik ullunik 21-inik sioqqullugu allakkatigut suliamik oqaluuserinnequlluni qinnuteqarsimappat, suliaq borgmesterip ataatsimiinnissamut tullermut oqaluuserisassatut ilanngutissavaa.

**Imm. 2.** Borgmesterip isumagissavaa ileqquusumik ataatsimiinnissaq kingusinnerpaamik ullunik 7-inik sioqqullugu oqaluuserisassanut takussutissiaq Kommunalbestyrelsimi ilaasortanut tamanut nassiunneqarnissaa.

**Imm. 3.** Suliassaq ileqquusumik ataatsimiinnissami oqaluuserisassanut ilanngunneqaraangat suliassap nalilerneqarnissaanut atugassat pisariaqartinneqartut - ilaasortanut nassiunneqareersi-mangikkunik - kommunip allaffianut takuniarneqarsinnaapput ataatsimiinnissaq sioqqullugu sivikinnerpaamik ulluni 6-ini. Tamatumunnga peqatigitillugu oqaluuserisassanut takussutissiaq saqqumitinneqassaaq.

**Imm. 4.** Immikkut ittumik ataatsimiinnissamut ataatsimiigiaqqusinermini borgmesterip sa-pinngisamik sukumiisumik ilaasortanut ilisimatitsissutigissavai suliassat suut ataatsimiinnissami oqaluuserineqarumaarnersut.

### **Aalajangiisinnaassuseq, ataatsimiinnerup aqunneqarnera suliassallu saqqummiunneqarnerat**

**§ 4.** Kommunalbestyrelsimi aalajangiisinnaassuseqarpoq ikinnerpaamik ilaasortat affaat ataatsimiinnermi peqataappata, tak. aqutsinnermi inatsisip § 11-ani, imm. 1.

**Imm. 2** Kommunalbestyrelsi, ilaasortamit saaffigineqarnermigut ataatsimiinnermi teknik-ikkut attaveqaatit atorlugit peqataasinnaanissa akuersissutigisinnavaa, tak. aqutsinnermi inatsisip § 11-ani, imm. 2.

**Imm. 3.** Borgmesterip pisinnaatinnagulu tullersortaata (aappaata) Kommunalbestyrelsip ataatsimiinneri aquttassavai. Ataatsimiinnerillu ingerlannerini apeqqutitigut sutigut tamatigut torersumillu ingerlanneqarnissaanut aqutsisuussalluni. Taamatutaaq taasisutigineqartussat oqaasertassai/isikkussai aalajangiiffigisassallugit.

**Imm. 4.** Kinaluunniit oqaaseqarumasooq borgmesterimut saaffiginnissaaq, taassumalu ilaasortat piumasaaqateqarsimasut tulleriinneri malillugit oqaaseqartittassavai. Ilaasortat arlallit oqaaseqarumallutik ataatsikkut piumasaaqateqarpata borgmesterip oqaaseqartussat tulleriinnilissavai. Oqaaseqartut borgmesteriunngitsumit kipitinneqassanngillat.

**Imm. 5.** Ilaasortap kialluunniit torersumik pissuseqarnissap malinneqarnissaa pillugu borgmesterip aalajangiinera malissavaa. Ilaasortaq ataatsimiinnermi ataatsimi marloriarluni torersumik pissuseqarnissamik peqquneqarsimappat borgmesterip siunnersuuteqarneratigut ataatsimiinnermi tassani oqaaseqaqqissanngitsoq Kommunalbestyrelsip aalajangersinnaavaa.

**Imm. 6.** Borgmesterip apeqqutit aalajangiiffigisinnaasani Kommunalbestyrelsimut aalajangiiffigisassanngortissinaavai.

**§ 5.** Suliassat ataatsimiinnermi oqaluuserineqassapput borgmesterip tulleriinnilersuina malillugu, taamaalillunilu oqaluuserisassanut takussutissiami tulleriinnilersuineq saneqqussinnaallugu.

**Imm. 2.** Ilaasortaq kinaluunniit ataatsimiinnerup aallartinnerani oqaluuserisassanut takussutissiaq pillugu, tassunga ilanngullugu oqaluuserisassat tulleriiaarneqarnerat pillugu oqaaseqarnissaminik aammalu oqaluuserisassat matoqqasumi oqaluuserisassanut nuunneqarnissaannik



akerlianilluunniit piumasqaateqarsinnaavoq.

§ 6. Inatsisitigut allamik aalajangiisoqarsimangippat imaluunniit marloriarluni oqaluuserinninnissaq Kommunalbestyrelsimiit aalajangiunneqarsimangippat suliassaq ataasiaannarluni oqaluuserineqassaaq. Kommunip aqutsinikkut ileqqoreqqusaa aqutsinermi inatsisip § 1, imm. 2 naapertorlugu marloriarluni oqaluuserineqassaaq, aammattaaq ukiumoortumik missingersuusiata marloriarlutik oqaluuserineqassapput, tak. aqutsinermi inatsimmi § 42, imm. 1.

**Imm.2.** Siullermeerlugu oqaluuserinninnermi suliassap aalajangiivigineqarnissaa taasisutigineqassanngilaq, taamaallaat aappassaaneerlugu oqaluuserisassanngortinneqarnera. Suliassap aappassaaneerlugu oqaluuserisassanngortinneqannginnerani ilaasorta qalaluunniit suliassap pineqartoq pillugu oqaaseqarumasinnaavoq. Siullermeerlugu aappassaannerlugulu oqaluuserineqarnera ullormi ataatsimi pissanngilaq. Taamaattoq aqutsinikkut ileqqoreqqusap aamma ukiumoortumik missingersuusiata siullermeerlugu aappassaaneerlugulu oqaluuserineqarnerat pissaaq aqutsinermi inatsisip §§ 1, imm. 2 aamma 42, imm. 1 malillugu ullunik 14-inik akunneqartillugit.

**Imm.3.** Suliassaq marloriarlugu oqaluuserineqassatillugu siullermeerlugu oqaluuserineqarnerani pappiaqqat atorpeqartut sapinngisamik ilaasortanut saqqummiunneqassapput imaluunniit taakku akornanni kaaviiartinneqassallutik.

§ 7. Kommunalbestyrelsi aalajangersinnaavoq suliassaq ataatsimiititaliap aalajangersimasup susasaqarfiinut ilaanngitsoq ataatsimiititaliat ataavartut ilaanni oqaluuserisassanngortinneqassasoq.

**Imm. 2.** Kommunalbestyrelsi isumaqarpat suliassaq Kommunalbestyrelsimi oqaluuserineqannginnermini immikkut ataatsimiititaliami oqaluuserineqartariaqartoq ataatsimiititaliaq taamaattoq pilersinneqassaaq Kommunalbestyrelsip suliassami tassani aalajangiinera malillugu amerlassuseqartunik ilaasorta qartoq.

**Imm. 3.** Immikkut ataatsimiititaliaq nammineq siulittaasussaminik qinersisussaq, allaganngorlugu nassuiaasiussaaq borgmesterimut ingerlatinneqartussamik, taassumalu taanna Kommunalbestyrelsimi ilaasortanut agguaatissavaa.

### **Oqaluuserinninnermi taasinermilu ilaasortat peqataanissaat**

§ 8. Ilaasortat ilaat suliassami aalajangersimasumi inuttut ima soqutigisaqartiginersoq, suliassamillu taassuminnga Kommunalbestyrelsip oqaluuserinninnerani taasinermilu peqataanngitsoortariaqarnerasoq, Kommunalbestyrelsip aalajangiiffigissavaa. Taamatut pisoqartillugu suliassap saqqummiunneqarnerani, oqaluuserineqarnerani taasisutigineqarneranilu pineqartup ini ataatsimiiffik qimassimassavaa.

Ilaasorta q imminnerminut tunngasutigut suliame peqataasinnaanermi Kommmunalbestyrelsi suliqartillugu, suliap suliarinerani peqataasinnaallunilu taaseqataasinnaatitaavoq.

**Imm. 2.** Ilaasortap pissutsinik suliassanilu aalajangersimasuni inuttut soqutigisaqarnini pissutigalugu ataatsimiissutiginninnermi taasinermilu peqataasinnaanermi nalornisoornartoqartillugu Kommmunalbestyrelsi ilisimatissavaa.

§ 9. Kommunalbestyrelsip taasinerini ilaasortat ataatsimiinermi peqataagunik aatsaat taaseqataasinnaapput.

### **Taasinerit, allannguutissanut aamma ilaannakortumik allannguutissanut siunnersuutit**

§ 10. Taasinerit ingerlanneqassapput ilaasortat iniminnit nikuinnerisigut imaluunniit nappaanerisigut imaluunniit paatsuugassaangitsumik isumaqataanerlutik isumaqataaanginnerlutilluunniit oqaatigigunikku.

**Imm. 2.** Inatsisitigut allanik maleruagassaqaangikkaangat aalajangiinerit tamarmik amerlanerussuteqarnikkut aalajangiivigineqartassapput.

**Imm. 3.** Borgmesteri isumaqaruni suliassap qanoq inaarneqarnissaa ima nalorninaatsigisoq taasissutigineqarnissaa pisariaqarani tamanna oqaatigissavaa suliassap qanoq inaarneqarneratut isummani oqaatigiitigalugu. Taassuma kingorna ilaasortat arlaannaalluunniit taasinissamik piumasaaqateqanngippat borgmesterip oqaatigisinnaavaa suliassaq naammassineqartoq inaarneqarneratut isummani naapertorlugu.

**Imm. 4.** Qinersinerit ingerlanneqassapput allaganngorlugit pappiaqqatigut taasivissatigut borgmesterimit agguanneqarlutillu tigooqarneqartussatigut. Borgmesterip qularutis-saqarsorinngikkuniuk qinigassaq aalajangersimasooq Kommunalbestyrelsip qinerneqarniartoq imaluunniit qinigaaqqinniartoq siunnersuutigisinnaavaa pineqartoq allaganngorlugu taasineritaqanngitsumik qinigaassasoq. Taassuma kingorna ilaasortaqaq arlaannaalluunniit taasisoqarnis-saanik piumasaaqateqanngippat qinigassatut siunnersuutigineqartoq qinigaassaaq.

§ 11. Allannguutissatut aamma ilaannakortumik allannguutissatut siunnersuutit saqqummiunneqarsinnaapput taasinnisaq pitinnagu, siunnersuutillu taamaattut suliassat marloriarlugit oqaluuserineqartussat siullermeerlugit oqaluuserineqarneranni saqqummiunneqartariaqaratilluunniit ilimasaarutigisariaqanngillat, taamaattoq tak. imm. 2.

**Imm. 2.** Suliassat marloriarlutik oqaluuserineqartussat eqqarsaatigalugit Kommunalbestyrelsi aalajangersinnaavoq allannguutissatut aamma pissutsit tunngavigalugit ilaannakortumik allannguutissatut siunnersuutit saqqummiussinissamut piffissaliisoqassasoq, taamatut pisoqartillugu piffissarititaasup qaangiutereerneratigut saqqummiussisoqarsinnaanngilaq.

**Imm. 3.** Allannguutissatut aamma ilaannakortumik allannguutissatut siunnersuutit aappasaaneerlugu oqaluuserinninnissaq sioqqullugu ilaasortanut ilisimatitsissutigineqarsimangippata oqaluuserinninnerit aallartinneranni borgmesteri siunnersuutit pillugit nalunaaruteqassaaq, taakku saqqummiunneqarsimappata. Borgmesterip aalajangissavaa allannguutissatut siunnersuutit qanoq tullerinneqarlutik taasissutigineqassanersut, taakku taasissutigineqartassapput siunnersuutigineqaaqartoq taasissutigineqartinnagu.

**Imm. 4.** Suliassap suliareqqinneqaaqarnissaa pillugu ataatsimiititaliamik pilersitsinissamik, ataatsimiititaliamut pilersinneqareersimasumut innersuunneqarnissaanik imaluunniit ataatsimiititaliami nangillugu suliarineqarnissaanik siunnersuutit suliassap taasissutigineqarnissaa pitinnagu saqqummiunneqassapput. Suliassap oqaluuserineqarnera aallartinneqareersoq siunnersuutit taamaattut sammineqarpata suliassap oqaluuserineqarnera unitsinneqassaaq,



Kommunalbestyrelsillu aalajangiiffigissavaa suliassaq ataatsimiititaliami oqaluuserineqassanersoq.

### **Amerlanerussuteqarnikkut qinersinerit**

§ 12. Borgmesterimik, siulittaasullu tullia siulleg tullianillu, inunnillu ataasiakkaanik qinersinerit allat, taakkununga ilanngullugit kommunemi sulisussanik atorfinitsitsinerit, amerlanerussuteqarnikkut qinersinerit naapertorlugit ingerlanneqassapput, tak. aqutsinermi inatsisip § 6, imm. 2.

**Imm. 2.** Amerlanerussuteqartitsilluni qinersinermi qinigassanngortittoq ilaasortanit najuuttunit amerlanerpaanit taaneqartoq qinigaassaaq. Taamatut amerlanerussuteqanngitsoorpat amerlanerpaanik taaneqarsimasut aalajangersimasut marluk akornanni qinersisoqassaaq. Taasinerit amerlaqatigiippata makitsinikkut aalajangiineqassaaq.

### **Qanoq amerlassuseqarneq tunngavigalugu qinersinerit**

§ 13. Ilaasortanik marlunnik amerlanerusunilluunniit Kommunalbestyrelsip atorfinnut makkununga Borgmesterip tullianik siullermik aappaanillu, ataatsimiititalianut, kommissioninut, siulersuisunut assigisaanullu ilaasortanik qinersineri, qanoq amerlassuseqarneq tunngavigalugu pissapput.

**Imm. 2.** Qanoq amerlassuseqarneq tunngavigalugu qinersinerit aqutsinermi inatsisip § 35, imm. 4 malillugu ingerlanneqassapput imatut: Kommunalbestyrelsimi ilaasortat immikkoortunut agguaatissapput qinersinissami pineqartumi qanoq taasiumanerlutik borgmesterimut nalunaaruteqarsimanertik malillugu. Immikkoortut ataasiakkaat ilaasortaata agguarneqassapput 1-imik, 2-mik 3-mik il.il. Taakku malillugit amerlassuseq malillugu tulleriinnilerlutik immikkoortut sinniisuutitassatik qinertassavaat. Amerlassutsit marluk amerlanerilluunniit amerlaqatigiippata qanoq tulleriinneqarnissaq makitsinikkut aalajangerneqassaaq. Immikkoortut ataasiakkaat sinniisuutitassatik naammatsillugit aalajangiiffigereerunikkit piaartumik borgmesterimut nalunaarutigissavaat kikkut toqqarneqarsimanersut. Immikkoortup sinniisuutitassani ataaseq arlallilluunniit toqqanngitsoorsinnaavai. Taamatut pisoqartillugu inissat inuttalerneqanngitsut immikkoortut allat akornanni siuliani taaneqartutut inuttalerneqassapput.

§ 14. Kommunalbestyrelsip ataatsimiinnerini aalajangiinerit allanneqassapput borgmesterip allattaanit aalajangiinernut imaqarniliami. Borgmesterip oqaatigissavai suut allanneqassanersut.

**Imm. 2.** Ilaasorta q kinaluunniit piunasaqarsinnaavoq isummani allaasoq naatsumik imaqarniliami allanneqaqqullugu.

**Imm. 3.** Aalajangiinernut imaqarniliaq ataatsimiinnerit naammassinerini, allanneqarsimasut atuarneqareeraangata, ilaasortanit ataatsimeeqataasimasunit tamanit atsiorneqassaaq. Ilaasortat taasisimanertik imaluunniit pissutsit allat innersuutigalugit aalajangiinernut imaqarniliaq atsiorumanngissinnaanngilaat. Borgmesterip qulakkiissavaa, aalajangiinernut imaqarniliaq ataatsimiinnermi peqataasunit atsiorneqarnissaa.

**Imm.4.** Imaqarniliap atsiorneqarneraniit kingusinnerpaamik qaammat ataaseq qaangiuppat ammasumik matoqqasumillu ataatsimiinnermi imaqarniliap nuutinnera Nakkutilliisoqarfimmu

borgmesterimit nassiunneqassaaq.

§ 15. Ilaasorta q kinaluunniit suleriaasissami aalajangersakkat qanoq paasineqarnissaannik borgmesterip aalajangiinera malissallugu pisussaataavoq, apeqqutilli Kommunalbestyrelsip tullianik ataatsimiinnissaani saqqummiunneqarsinnaatitaapput.


### Suleriaasissami allannguutit

§ 16. Suleriaasissaq una atuutilissaaq 28. april 2022.

Taamaalilluni kommunalbestyrelsimit akuersissutigineqarpoq ulloq 28. april 2022.



Malik Berthelsen  
Borgmester



Juliane H. Heilmann  
Kommunaldirektør